

上方天尊說真元通仙道經

太極降德上篇

卷三

粵有上方真元浩浩一炁化均之天九清自然之國生三秀之草植七寶之樹赤城慶霧以騰騰玉樓輝煌而赫赫翠華闕庭紫真宮擬碧瑣形靡龍舉鳳姿絳霞溶溶青雲臺疊皆太元凝結真元變化禁中之宸獨尊其內爾時天宸尊稱十號所為我上方乾元至聖天師中皇太元上真法王九陽太皇真元教主无上三洞開化仙君十天清衍聖才慈憫大常妙道化均上帝諸天應號清淨赦罪上德至尊上方无極太上靈寶天尊上方无極太上道德天尊上方徧慈救苦天尊上方玉虛明皇天尊其皇闡神女制禮侍奉撰法鼓鏗華鐘次諸天女執含虛散絲珠妙之髮持朱纓青絞絳雲之節建九天華芝開五明羽扇天尊升千光雲殿登七珍寶座於藤光洞明白金顯色瑤席之上俄爾上方无極飛天神王長生大聖无量上品好生度人至真大神三十二天君臣輔佑星官真人大鈞消災

彌羅比天神仙靈官无執之衆皆奉天顏來朝几前護道神人劍鉞鏘鏘驅邪仙成旌旗赫赫是時金闕發真香騰于太漠飄揚于一炁之上射天光照于道域晃朗于八紘之中於是十華仙君各瞻

帝光乘雲龍而來格大羅飛梵之門歸命侍晨引朝鳳舞自然天風蕭蕭吹九龍之花仙樂咆咆嘯八鸞之曲靈鼙鼓黃英之律神淵著青華之色諸君設禮瞻望

聖顏猶未霞暉曉煌煌奕奕深居尊嚴之像眩晃而奚能仰視於是上方大明仙君出班告曰臣等伏觀

天尊上帝陟降流暉之殿出入凝華之闕施張四時之運掌握七政之司仙文示清真之風法令警神元之化慈光普照

聖恩均被臣等稽首來朝帝廷欲望

皇慈無憫故問太極之運非上帝至高至明安得赫然去訓乎臣等恭聽上聖玉音於是

天尊靈玄冥於虛无凝寂默於自然混真元於有間理太素於无生泯以名色之詰契以希夷之篇良久已而言曰上德何從來蓋降於太極夫太極也者大包天地之表先居混沌之中自虛而產有因濁而復清歸之則罔

窮其所播之則咸著其像故見曜羅宿茂毓方物功資一炁澤被九垓是以化物所至无不由之莽莽者帝真也浩浩乎元一焉以其安三才而臣五行矣且長天久地宿居太極之間陽日陰星熙朝真元之下故得之大者

遠冲和而久視夫之鮮者漸枯槁而風已但大方之內有名之屬莫不通其變而仰其化蓋真一元炁生化蕩蕩吾未名其然強名曰道道之德大不可无吾稱肇于

玄聖其德廣之收論昭然肖真光燦彩雖神書秘札復何其加焉曰

玄聖成章神哉无疆示天上人間其德无間奈臣倥侗不足以解天猷今者幸甚伏遇

上帝降德聖才大明洞鑒臣輩今欲聞其大教上千

宸造敢望曲貽天聽曰

夫玄聖所尚其德者三始一論上德次一論
明行又一其所論又行而禁非然三者之為
教亡所不同各觀其論則名異也名雖或異
而未嘗有違於太極率同降德為道玄微妙
之變吾上方貴之如其弗從玄變固欲進真
元之道意嗚也歟將安能乎於是上方仙君
而子廣靈仰讚宏論稱揚揚言天淵蒼蒼雲
官皇皇中有聖才依啓龍章太極浩蕩真元
琳琅德降有名通變元疆高論昭昭玄迪揚
揚能承之者臣朝上方於是

天專復為三羅仙曹之衆曰夫天功所貴導
誘為先普度天人咸臻至妙離於有像適於
無為免生化陟降之苦得精真元靈之道今
將擬訓紫霄兆等選能逝天於是衆仙願奉
帝裁時鐘停瑞翻花發祥煙仙兵征路執旌
旗而翼翼天丁導引持劍劍而先佻仙君之
屬承承法駕鳳蓋飄飄龍車騰騰上陟五雲
之鑿與臣馭九斑之鱗蚪丹輪徘徊于雲霞
捧出白鶴翔翔于風煙映映黃闕參差碧天

香渺擊碧初鳴舉仙音而宛轉鉦鐘瓊散作
天樂而鏗鏘玉女虔懺聲從玄漢之中金童
鼓節來臨紫虛之上

德歸素元中篇

若天紫清之境碧雲之鄉仙雲之中爰有太
皇德黃龍之玉几天姿穆穆處白麟之金輅
鑾聲聞聞真人翼轅飛行煙轂神仙導駕從
履雲颺風飄飄而龍龍旗雲冉冉而繞鶴覽
步靈閣清陽飛神之天入三景紫霄妙真之
界忽聞華音清聲飄逸諸仙通聽廣靈遙觀
則雲捧鶴臺而遠風引星旗而班於中主者
號清都仙君瞻望雲輿參禮几前恭惟
至聖仙遊紫清由迴九陽之車無鞋十華之
雲今者伏過臣之幸甚敢希天造賜降臣所
伏丐留神少加矜憫於是天專抑如其禱是
時諸真奉翠華仙仗降日星宮擊紫清
帝輦來復王府自然凝結雲山窺我道杰流
化仙苑皓泫太霞之京祥煙之宇廊廡香霏
官廷暉耀瓊花飄落於雲閣絳節續紛於庭
下蒼龍獻寶于池沼白鹿銜芝于欄檻神鸞

穿弄于丹墀天麟噴香于玉砌
上帝升座于瑤局雲官侍奉于金殿於是仙
君上香奉膳以逮諸真設齋既已

天專上帝而謂仙君曰吾受命

玉清之主獲任上方之尊樂大通景真之理
統天政泛元之道俯視群生崇猷何略失德
迷元亡歸太素陟降罔息吾深悼之然後飛
靈瑞之光以召諸天之衆欲計萬真遊行九
天勅之真官將施教化且

聖君之教以化契德其德也者故地天以之
泰品彙以之生人若由之以其登仙昔

聖君之德教時天人無喻者惟真皇識之書
于玉京原其大宗以德為貴如十方仙君其
於真文則未聞及其德也則大成今階列仙
府蓋德之至也曰臣竊惶懼虔仰專儀出九
霄金闕之上會諸仙玉京之隅特章太猷降
誨臣等願聞十天君者昔作美善今為天王
臣匪知其然也欲望
上聖的賜矜憐臣惶駭之至謹頌天裁曰夫
建德者

太上所貴也失德者

上帝其禁之是故應德成之者及乎調守交鍊愛凝神氣者然後而朝王宸矣匪其行行衆功者天位安得而有之貴乃有訊於諸君故我可肆於上善積善諸君昔在人間皆通

三墳之典亦明七部之經廣德兼濟神昇十方夫上方皇極太洞天府沖虛仙君者嘗作上德慈愛國人下方齡中萬化天府崇德仙君者昔爲德政忠事

聖君
乘華青陽神化天府晨暉仙君者嘗行孝悌救世之行

南極丹陽炎明天府朱暉仙君者夙爲善德出世之功

西靈太素顯德天府清和仙君者明解悟之法行清高之行述三乘之範圍四宗之猷

北真太淵玄一天府元冥仙君者鍊內外之丹從陰陽之術演四輔之源宗三洞之奧良鄉太昊中成天府明文仙君者任天運之俯仰齊時物之興衰誦

三皇之教行五常之道

異界大寧丹華天府進道仙君者建像宇而度生行科教而濟死弘九天之法受三境之錄

坤城廣寧承素天府朱華仙君者初祖述於通玄仙伯之書終宗法於洞靈真人之旨捐有害而取利性處無爲而推自然開導引以資氣味時呼吸以還元精晉洞真洞玄之理符始神妙化之源

乾維太昊清樂天府幽源仙君者嘗進心於司命天尊之訓亦勤志於

混元大道之科知黑白而用玄牝服天炁而傳精神餌仙藥以制伏陰魄鍊神丹以點化陽魂納二景七元之爽挹八宏五緯之和於是存真一元一之炁辨初九上九之爻故得

丹成於中已而行完於外如諸君昔者皆鍊神鍊氣鍊形鍊質鍊飲餌匪疑學炎帝之文調攝有理習丹后之書故德備下方恩清厭世身化神脫白晝仙去遂乘雲路逍遙紫極所歸太素之元爲无以加况猶未聞靈華其文

於是清都仙君仰荷

天恩曰廣哉德也而巨等均受教矣是時上方紫虛真人道炁清偉仙顏神秀綠鬢黃冠鶴鬚雲裳出班設禮上白

天尊曰臣切伏觀吾師上帝聖德輝宣於鳳闕神章振發於雲天集衆妙之源極廣靈之聽臣意願法駕親降崑崙崑崙善惡海大啓法言望賜

聖裁天威特許曰夫變微通妙者述先師之正真發言弘道者錫後聖之命元既子有訊務在度人斯爲勝善吾寧拒之時命九霄之君十極之王衣山紋之服列星旗之隊上方

天兵神仙之師奉翠華天仗步紫虛雲路琅音切賴於天闕蕭聲齊啓於地戶凝結官廷而復本流化池沼以還元雲旋靈靈風行熠熠遙指崑崙仙遊而適矣

真元通仙下篇

天惟九清渺邈崑崙崑崙之一天一炁混凝秀琳谿之峴天山差我谿水潺湲清流環引神闕雲城煙雲之中諸天之衆儀仗列翠華之節

墟苑和玉石之音祇奉

天帝法駕俱入玄華靈園皆紫煙神變雲關
龍庭陽精結化仙官鳳墀上升玉壇而登寶
座天真侍衛欽承几前於是紫虛真人及仙
宮侍晨鐘擊磬香散花歌玉音之章進

金幣之儀稽首歸依恭俟誨焉我上方天尊

而為紫虛真人之眾曰昔淵兮真元來從大
道聲虛玄之首神一而容不書開太初之際

上九而凝成篆其識之者自然尊也冊妙无
上帝先啓之鴻濛之運命天真真人亞紀之

龍漢之年則雲章建言為仙京所貴非驚異

之辭乃郁郁之文吾幸承大洞之訓輒行開

化之科如汝發問今將論之是時真人聞師

惠誨再拜長跪稽首而言臣聞

天德至玄開道无窮若夫德元既聞明訓擬

請雲篆幸蒙恩許瞻望

聖德特降法音曰感矣哉如子之問也不有

玄思孰能訊之以此然前言略明其道未若

今為爾再廣之夫大空无極真自然空廓

渾淪之妙太虛曠昧之與明像明志之主妙

无妙者之宗非視聽而可知雖搏用而曷得

惟无形真神之珍乃太素元精之源故珍源

之炁神而无間君哉炁也其通者一上為浩

浩之應下承汰汰之沆風澤之中元炁存焉

大哉玄虛靈陽天湖玄一名父稟雄一无英

之炁元真洞陰坤柔真一稱母受雌一白元

之精兩半同成合為太一太一布化而神變

三一生成於玉嬰分列九一以全像臣朝帝

一以為尊是以一氣混凝九陽肇基其炁清

虛幽渺惚恍杳冥運播太和數生變易初化

有古真人次號无上高真於有古之時胎判

混沌劫神帝降運以分清濁故非能而能非

然而然然後演道遠明靈篆紀書垂訓亦號

雲章安鎮天境主持中央統御八極生成五

帝故三才九炁思被真元洞真化神水木火

土金之運成形于地元靈輪風火暑濕燥寒

之炁布玄于天變流於時物生固有厥陰少

陰太陰之徙少陽陽明太陽之繼終而復始

有循連環為至神之宗妙化之君者也後

尊復命

玄皇大道君特書雲章署為真大言亡英誕

之華理蘊玄冥之旨刻赤晶之玉貴碧霞之

宇乃天倫之訓非世常之辭感以丹縉之蒙

置以青霞之笈神光降集狀若雲煙秘封

神霄天真王玉府中相太虛仙統帥剛烈天

兵營衛寶科雲篆真文至開皇之初時高上

大有之專詔下鈞天特旨宣吾命太玄都省

仙公天樞上相真君發寶華之笈取未傳之

書遠錫於我受謝而退即得開導无窮而何

歎矣此

大羅天尊至神太奇之篆非若孰能當之如

臨大運遇時九六其力進之年也迺能發靈

軒從風馳垂斯雲篆永以為訓普行度人不

亦可乎使夫天人誦解由之一日行完天惟

下詔則拜

帝宣越人世離滔天之苦海凌不夜之仙墟

乘青鸞之輿入紫冥之京朝丹闕之官遊玄

圖之苑遠道悉通真之元樂不神妙无之化

仙者傳太元赤玉之書光芒榮射粲然而成
華色以付紫虛真人真人受之神伏雅祝彰
聞天尊上德巍巍欲廣雲篆之奧故示天人
之衆救時之昧弊自道之化均則天慈教育
固特行憫賜切念臣力難諫未備蓋承

天旨何敢不遵今謹奉命恭為宣揚曰必欲
弘茲古篆雲章以明洞真元始玄通之道德
洽仙經非若无可與我全功應運度人誠如
子言不其偉歟

洞真元文雲篆玄科道源開題之章

三天雲篆玄一妙真恭恭默默杳杳冥冥恍
惚綿綿有元繩繩道大茫茫自然亡名溟溟
莫極洎五太成寂兮寂兮神炁聲伸靜兮動
兮應變重清玄君造物黃母孕魂沖和氣氣
甄像丕分始青開盟標題八門通生萬彙液
濡有情皇元爽澤非文而文靡所不在方方
緯緯悉還徧毓古今繼承仙人德洽行惟混
凝制澤固嶽嶽真炁根泥九帝一丹元陽嬰
絳宮赫奕太和黃庭功行俱足雲界上京大
羅渺渺玉清之宮教主垂訓粵亡粵存九真

既啓命元運明
有元妙一之章

雌雄元一炁變生神真常太始玄源化煙細
入妙有巨處乾坤鬱怒聖君保真真靈陰晨
泰始陽華悉尊光浮梵瑞隆游汶迎空洞收
高縶迪寶玘神鳳鼓舞瑤田素金三華丹玄
九闔羅天神哉大化度度長生
洞真元道之章

空洞通真元英白元廣靈躍出五帝廓仙振
貸九淵妙變通生體與凱為符契神源中冥
逸雲青霞紫霧遼遼溟融融晶高芥精鍊六
秀修黃松綠永載形神上易廣大契中身衷
團亮空麗庭冕花食黍鼎迴危森森蓋燦燦
厚濛奕葉謫逆初却忘乎軌曲迴巨空荒陰
闕且函津焉萬妙玉凝波大恣浩浩獲真元
道於是紫虛真人仰辭而退驅神馳兮蹶破
雲霞之色鼓仙樂兮振開天籟之聲出青幢
黃幡之士引星弁雲衣之吏從官之屬皆蹈
翠煙煙雲冉冉放鑰天關時諸天真神仙之
衆屢受虛皇大慈高論稱臣等幸甚伏遇


聖恩宜真神變化之妙明元炁通生之道故
大衆諒伏巍巍德音遂警揚步虛同聲舉唱
若天仙雲飛出洞天縹緲自然國道遠靈寶
尊在昔開皇劫傳今雲篆文明哉貫玄理或
然數洞真大通流妙元神變適清冥茲義將
何如爰由欲度人人能歸至化雲昇侍帝宸
諸仙辭謝而退乘雲各還天府是時玉龍躡
首子吟出帶霞之勢金鸞引吭兮鳴成舞天
之歌鈞天神仙威儀肅然摧九宮寶劍飛十
絕靈幡












我上方帝尊熙怡如也乘神龍之玉輅建和
鑿之寶蓋天女娥娥持芙蓉之玉壺清香馥
郁仙姬倩倩執妙洞之金鑪瑞鶴氤氳大
化觀妙之幢鼓真華瑤光之節侍宸歌吹香
樂鏗鏘神成征路旌旗飄揚祥醜飄飄兮動
際袖而鳴珮玉慶雲冉冉兮擁軒轅而繞霓
雲欲返天關之中先進星河之上於是青編
紀鳳文之籙丹鼎息龍篆之香意崑崙雲飛
兮雨桂華以悅然宮壇凝散子鉉金聲而安
在天極妙化之像神淵杳冥之狀非風非露









之鄉如存如亡之與真元歸太初之基坤虛復元名之本

上方天尊說真元通仙道經

太清時公告子明曰吾聞學因徒進道在師傳徒弟雖然從師發蒙尋其至理出自天性故伯樂不能御駑駘為駉驥良匠不能伐樗櫟為棟梁蓋其朽木不可彫也糞土之墻不可朽也真元錄稱教祖先師恬淡無為專以長生為務奈何衆生迷貪愛之緣鳥得無罪上聖運慈悲之化常善救人如人在世身體違和輕則作疾重則成病速諸災咎或介鬼魔即當面向西北天門焚香禮念十位專號初號上方乾元至聖天師次號中皇太元上真法王又其次號九陽太皇真元教主四號无上三洞開化仙君五號十天清衍聖才慈憫大常妙道化均上帝六號諸天應號清淨赦罪上德至尊七號上方无極太上靈寶天尊八

號上方无極太上道德天尊九號上方福慈救苦天尊十號上方玉虛明皇天尊伏以道藏琅函仙謚天尊之號塵寰福地人弘太上之經禮念恭信則見存獲慶香花供養則已往生天普願世人同霑明驗及請符水仍得救治是故符者天之信也水者道之一也若生道入腹自然康寧但遇甲子甲寅甲辰甲午甲申甲戌等日志心敬禮上方有智神王均天天大將軍真元藥仙上靈童子之衆望賜降臨行神布炁治病驅邪殄滅災咎謂諸下文所祝意願皆全此例不須復稱當三元八節之辰青書上方真元靈篆  元始自然青陽鬱冥玄化空洞无量无形結炁疑國芬世為名總覆諸天善植萬靈雲房金羅差我上清十二極品標題元精玉音微微玄響朗瓊吟詠發出帝真臨庭曲映垂條我享上靈與天齊位三景合明永保太空隨劫无傾急急如太上帝君律令敕每於各人六十甲子旬中

式用悉全次於乙丑乙卯乙巳乙未乙酉乙亥等日志心敬禮有力神王天力將軍上玄童子  又其次於丙子丙寅丙子之衆  辰丙午丙申丙戌等日志心敬禮有慧神王天威將軍上元童子  繼於丁丑丁卯丁巳丁未丁酉丁亥等日至心敬禮有威神王天上將軍  紹於戊子戊寅上虛童子之衆  戊辰戊午戊申戊戌等日志心敬禮有相神王天通將軍上空童子  及於己丑己卯己巳己未己酉己亥等日至心敬禮有德神王天光  兼於庚子將軍上仙童子之衆  庚寅庚辰庚午庚申庚戌等日至心敬禮有靈神王天智將軍上  重於辛丑辛卯辛巳辛未辛酉辛亥等日至心敬禮有畏神王  再於天靈將軍上智童子之衆  壬子壬寅壬辰壬午壬申壬戌等日至心敬禮

有見神王天果將  復於癸丑癸
軍上相童子之衆  卯癸巳癸未
癸酉癸亥等日至心敬禮有通神王天蓋
將軍上德  以上六甲旬中敬禮
童子之衆  真元神之衆所祝
意願悉同无異救  如人吞之可
護群品獲安樂果  以消災非惟
消災救禍兼善瘰疾愈病但專  其
一志心之信感授九真之方  其
有人佩之可以護身非惟護身保神及能
降福除殃抑亦金名紫簡綠字玉京者也
凡人既得康寧名曰大福田也於福田中
可修无上真元之道行滿而昇仙矣謹按
聖紀經云若人每月二十九日禮念上方
天尊十號者將來不墮地獄之中又預修
經言善者臨終之時斬租上方自然國內
隨願往生其次天宮圖序云夫道本虛无
因恍惚而有物添元冲始乘運化而分形
精象玄著列宮關於清境幽質潛凝開洞
府於名山元皇先乎象帝獨化卓手真宰

湛爾冥寂感而通焉皇矣夫玉京經稱十
華諸仙集紫煙結成宮明哉聖人道德乃
成故宣王无可而无不可太上无爲而无
不爲玄皇乘白鹿昇天黃帝跨火龍出世
高居金殿燕瑤臺皆知長生之道以此
諒不誣矣夫修道作德者凡有其五焉一
修道於身者所謂心閑性快愛氣養神少
私寡欲益壽延年諸偽咸盡其德乃真人
之行一修道於家者所謂父慈子孝兄友
弟順夫信妻賢上下和睦其德乃有餘之
方一修道於鄉者所謂尊奉耆艾撫育童
幼教誨愚鄙而百姓和集上下信向其德
乃久長矣一修道於國者所謂君信臣忠
朝不墜塞禮樂自興百官稱職禍亂不生
萬寶豐熟其德乃充實矣一修道於天下
者所謂不言而化不教而治平易而无爲
和一而大通比屋可封化被異域其德乃
周普矣如進道建德者生違道及德者死
故天有四司之星在虛危之間人星之側
以司於人命二星主人之功過年壽賞

奪司祿二星主人之祿秩衣食司危二星
主人之僑佚不正司非二星主人之邪威
多私明哉天惟顯斯降降厥士日鑒在茲
豈不爾思明乎哉

第三

十七

釋音

上篇

染音披音憂音比音戍音過音吹音尺音傷音告音楷音
 有音間音古音克音無音間音上音同音見音現音鶴音切音於音蓋音軋音切音中音戍音

中篇

和音貢音涪音涸音汗音余音力音委音齡音金音衣音於音既音熠音入音
 切音

下篇

規音胡音典音聞音都音思音相音史音汜音似音數音亦音爽音適音擇音液音
 夔音高音亦音戒音隸音待音契音元音虫音太音分音况音亥音造音困音初音
 堯音堯音中音夔音法音庭音器音甕音乾音花音芒音愈音總音參音九音
 鼎音有音迴音赫音危音羅音奔音氣音秦音香音囊音官音荼音會音殊音亡音
 序音湯音瀑音晨音奕音吳音秦音申音錫音青音適音惟音初音柝音邪音相音
 忘音繩音乎音仙音軋音誥音幽音陰音上音巨音明音全音素音流音學音
 陰音陸音園音洞音且音奧音齒音萬音古音老音莪音季音躄音其音崖音
 吮音下音淡音起音吐音外音冥音皇音



正一天師清微弟子 洪百堅 製作

道教學術資訊網站